

大寶積經卷第七十五

皇五

高齊北天竺三藏那連提耶舍譯

菩薩見實會第十六之十五

六界差別品第二十五之三

大王如人夢中自持熱銅葉纏被其身是人

覺已憶念夢中所被銅葉於意云何是人所

夢是真實不王言不也大王於意云何是人

所夢執謂真實是爲智不王言不也世尊何

以故夢中畢竟無有銅葉況以衣身是人徒

自疲勞都無有實佛言大王如是愚癡無聞

凡夫見恐懼事心生執著生執著已起於怖

畏於怖畏已作怖畏業謂身三口四意三種

業造彼業已即便謝滅是業滅已不依東方

而住亦復不依南西北方四維上下而住如

是之業乃至臨死之時最後識滅見先所作

心想中現大王是人見已心生忙懼自分業盡異業現前大王如彼夢覺念夢中事如是大王最後識爲主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天中或生人中前識既滅受生分識生生分相續心種類不絕大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名入死數若初識生名入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故

自性離故後識後識體性空緣緣體性空
業業體性空死死體性空初識初識體性空
受生受生體性空世間世間體性空涅槃涅
槃體性空起起體性空壞壞體性空大王如
是作業果報皆不失壞無有作業者無有受
報者但隨世俗故有非第一義也大王當知
二
一切諸法皆悉空寂一切諸法空者是空解
脫門空無空相名無相解脫門若無相者則
無願求名無願解脫門如是大王一切法皆
具三解脫門與空共行涅槃先道遠離於相
遠離願求究竟涅槃界決定如法界周徧虛
空際大王當知諸根如幻境界如夢一切譬
喻當如是知大王如人夢中見身根壞不覺
諸觸是人覺已憶念夢中敗壞之相於意云
何是人所夢是真實不王言不也大王於意

云何是人所夢執謂真實是爲智不王言不
也世尊何以故夢中畢竟無有身根況敗壞
也是人徒自疲勞都無有實佛言大王如是
愚癡無聞凡夫自見身根敗壞心生執著生
執著已起恐怖心起恐怖心已作恐怖業所
謂身三口四意三種業造彼業已即便謝滅
是業滅已不依東方而住亦復不依南西北
方四維上下而住如是之業乃至臨死之時
最後識滅見先所作心想中現大王是人見
已心生怖懼自分業盡異業現前大王如彼
三
夢覺念夢中事如是大王最後識爲主彼業
因緣故以此二緣生分之中識心初起或生
地獄或生畜生或生閻魔羅界或生阿脩羅
或生天中或生人中前識既滅受生分識生
生分相續心種類不絕大王無有一法從於

今世至於後世而有生滅見所作業及受果報皆不失壞無有作業者無有受報者大王彼後識滅時名入死數若初識生名入生數大王彼後識起時無所從來及其識滅時亦無所至其緣生時亦無所從來滅時亦無所至其業生時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有作業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無

空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知大王如人夢中夢見幻師幻作五欲自見已身與彼圍繞共相娛樂是人覺已不見五欲便憶夢中五欲之樂於意云何是人所夢是真實不_五王言不也大王於意云何是人所夢執謂真實是爲智不_五王言不也世尊何以故夢中畢竟無有幻師況復幻作五欲_四逾相娛樂是人徒自疲勞都無有實佛言大王如是愚癡無聞凡夫見是幻師幻作五欲心生執著生執著已起於愛重起愛重已生染著心生染著已作染著業所謂身三口四意三

種業造彼業已即便謝滅是業滅已不依東方而住亦復不依南西方四維上下而住如是之業乃至臨死之時最後識滅見先所作心想中現大王是人見已心生愛著自分業盡異業現前大王如彼夢覺念夢中事如是大王最後識爲主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天人中前識既滅受生分識生生分相續心種類不絕大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名入死數若初識生名入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅

時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆悉不壞無有作業者無有受報者但隨世俗故有非第一義大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知大王如人夢中夢見大水漂

蕩已身妻子眷屬既見漂已心生無量種種憂惱是人覺已憶念夢中爲水所漂憂苦之事於意云何是人所夢是真實不王言不也佛言大王是人所夢孰謂真實是爲智不王言不也世尊何以故夢中畢竟無有大水況

復漂蕩生大憂惱是人徒自疲勞都無有實佛言大王如是愚癡無聞凡夫見水漂蕩心生執著生執著已其心不喜心不喜故作不喜業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現大王是人見已心生忙怖自分業盡異業現前大王如彼夢覺念夢中事如是大王最後識爲主彼業因緣故以此二緣生分之中識心初

起或生地獄或生畜生或生閻魔羅界或生阿脩羅或生天中人中前識既滅受生分識生生分相續心種類不絕大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名入死數若初識生名入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性

空壞壞體性空大王如是作業果報皆不失壞無有作業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知大王如人夢中自見已身飲酒惛醉無所覺知不識罪福善惡尊卑優劣是人覺已憶念夢中飲酒迷亂於意云何是人所夢是真實不王言不也大王於意云何是人所夢執謂真實是爲智不王言不也世尊何以故夢中竟無有酒況飲惛亂不識尊卑善惡優劣是人徒自

疲勞都無有實佛言大王如是愚癡無聞凡夫夢見飲酒惛醉心生執著生執著已起染愛心起染愛心已作染愛業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現大王是人見已心生愛著自分業盡異業現前大王如彼夢覺念夢中事如是大王最後識爲主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天中人中前識既滅受生分識生生分相續心種類不絕大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名入

死數若初識生名入生數大王彼後識起時無所從來及其滅時亦無所至其業生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至其生亦無所從來滅時亦無所至

五

八

何以故自性離故彼後識後識體性空緣緣體性空業業體性空死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有作業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠

離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知

四轉輪王品第二十六之一

爾時佛告淨飯王言大王如上所說之法繫

心精勤當自觀察修行勿隨於他此法乃是過去未來現在諸佛菩提能超一切世間自在能除一切渴愛降伏我慢滅除罪過一切諸法而得平等彼非凡夫地一切聲聞所不能到一切辟支佛非其境界一切菩薩之所修行一切諸佛之所證得大王於此法中應當安意應作是念我當云何於天人中得爲眼目得爲燈明得爲大炬得爲船楫善知水路得爲導師得爲商主得爲導首我當云何得自度已復能度他自既解脫令他解脫自

得安隱令他安隱自證涅槃令他涅槃大王當知不應觀過去世際所經豪富自在大王諸根如幻無滿足時亦無能滿者境界如夢於色香味觸無有狀足大王過去之世有轉輪王名無量稱大王彼無量稱王具足無量衆寶輦輿軍衆象馬無礙輪寶七寶具足所有軍乘無能壞者於先佛所植諸善根意力成就隨念即辦大王彼無量稱王有所憶念無不隨意何以故具足成就善根力故大王爾時無量稱王即作是念以我自試福德之力時無量稱王即作是念以我威力令此四天下所有樹木常有華果用之無盡大王彼無量稱王作是念已於四天下所有樹林華果繁茂用無窮盡大王無量稱王復作是念令四天下所有人民諸所欲願隨意無違念令四天下所有人民諸所欲願隨意無違

大王彼無量稱王作是念已四天下中一切人民一切所願悉得充滿大王無量稱王復作是念我當更試善根之力若我有福令四天下降注香水作是念已於四天下尋降香雨大王爾時無量稱王復作是念我今當更自試福力大王時無量稱王即作是念若我福力令四天下普雨妙華作是念時於四天下尋雨妙華大王爾時無量稱王復作是念我今當更自試福力若我有福令四天下普雨妙衣作是念已於四天下尋雨天上劫貝樹衣大王彼無量稱王復作是念我今自試福力若我有福令四天下普雨銀雨作是念已於四天下尋降銀雨大王彼無量稱王復作是念我今當更自試福力復作是念若我有福令四天下普雨金雨作是念已於四天

下尋兩金雨何以故無量稱王所願從意皆由過去於一切衆生修共業善大王爾時此閣浮提地縱廣正等一萬八千由旬當爾之時此閣浮提有六十千萬諸大城郭大王爾時於此閣浮提中置立隍城名寶莊嚴其城縱廣十二由旬四面平正妙巧所成街巷莊嚴界分分明於其城外有多羅樹七重行列其多羅樹四寶合成所謂金銀瑠璃玻瓈莊飾端嚴甚可愛樂其金樹者根莖枝條悉皆是金其葉華果悉是白銀其銀樹者根莖枝條悉皆是銀其葉華果皆是黃金毗瑠璃樹根莖枝條悉是瑠璃其葉華果皆是玻瓈其玻瓈樹根莖枝條悉是玻瓈其葉華果皆毗瑠璃大王爾時彼寶莊嚴城周匝七重懸寶鈴網種種莊嚴微妙第一復以種種衆寶羅

網彌覆其上於其城外有七重寶塲彼一塲深半由旬廣一由旬其七重塲底岸平正八功德水清淨盈滿衆鳥易飲復有諸華所謂優鉢羅華拘物頭華波頭摩華分陀利華彌滿其中底布金沙其塲四邊周匝階道四寶莊嚴所謂金銀瑠璃玻瓈種種微妙甚可愛樂彼諸階道四寶合成黃金爲階白銀爲階白銀爲階黃金爲階瑠璃玻瓈間錯上下交互莊飾周匝欄楯七寶所成端嚴無比一階道有七重寶門種種莊嚴微妙最上一階道於其兩邊金芭蕉樹其塲四邊周匝階道於其兩頭一一皆有七寶妙座彼諸所有種種莊嚴皆悉是彼無量稱王福德所致其寶莊嚴城外周匝而有八萬園林無量稱王作此園林不起愛著我所之心悉施衆生

共同受樂是一一園有八大池一大池縱廣半由旬於其池中有種種華優鉢羅華波頭摩華拘物頭華分陀利華如是衆華彌覆其上一一池邊有八階道一一階道四寶所成端嚴殊妙其階道頭建七寶幢門所謂金

銀瑠璃及瑪瑙等其階兩邊闊浮檀金爲芭蕉樹莊飾嚴麗八功德水彌滿池中鳥鳥堪飲其池四邊植諸妙華所謂阿提目多伽華薺葛華阿輸伽華拘羅婆華波吒黎華迦膩迦羅華婆拘羅華婆利師迦華末利迦華蘇摩那華摩樓多華陀菴師迦華如是等陸地生華無量稱王爲令諸人受適樂故種植如是種種妙華是諸人民遊戲其中歡娛受樂大王彼寶莊嚴城所有寶鈴羅網寶多羅樹微風吹動出和雅音譬如有善作五種微妙

妙音樂其聲和雅甚可愛樂彼無量稱王所有宮城鈴網寶樹園林樂具所出妙音甚可愛樂亦復如是大王爾時寶莊嚴王城中所有人民以彼妙音娛樂受樂時彼寶莊嚴城豐樂安隱人民充滿豪富自在處處皆有優鉢羅華波頭摩華拘物頭華分陀利華大王彼無量稱王又於異時復作是念我今當往西瞿陀尼作是念已王及四兵俱昇虛空往瞿陀尼王既至彼諸小王皆來奉迎各以國土奉獻大王時無量稱王於彼止住百千萬歲於彼王領大王彼無量稱王復作是念我今當往東弗婆提作是念已即與四兵俱昇虛空往弗婆提王既至彼土小王亦皆奉迎復以國土奉上大王無量稱王於彼止住百千萬歲於彼王領大王彼無量稱王復

於異時作是思惟我當徃彼北鬱單越作是
念已即與四兵上昇虛空詣鬱單越王既至
彼彼諸人民歡喜歸化王於彼住多百千歲
王領受樂教已眷屬大王彼無量稱王於彼
久時復作是念我曾聞有三十三天住須彌
頂我今宜徃忉利天工作是念已即乘龍象
皇五
復與四兵飛昇虛空上須彌山大王爾時無
量稱王即問御臣汝見須彌及以大海并四
天其事云何御臣答王我見須彌及大海
水四天下等悉皆旋轉猶如陶師以杖轉輪
我見須彌及四天下悉皆旋轉亦復如是王
告御臣此龍象王大行未止大王爾時無量
稱王復更前進問御臣言汝見須彌大海及
四天下復更云何御臣答言我見須彌及大
海水四天下等悉皆震動王答臣言今將欲

到須彌山頂此龍象王小行猶未止大王彼
無量稱王復更前行問御臣言汝見須彌及
大海水并四天下相復云何御臣答言我見
須彌及大海水四天下等不動不轉王告臣
言此龍象王今已到彼須彌山頂大王爾時
無量稱王及與四兵尋即到彼須彌山頂大
王爾時帝釋遙見無量稱王歡喜來迎而作
是言善來大王即分半座命王令坐王即就
坐在彼天上經無量歲與彼天主分半而治
大王爾時無量稱王復於久時作如是念我
今寧可退彼天主即住其中獨爲天王作是
念已無量稱王及以四兵從彼三十三天即
便退落還闍浮提寶莊嚴城墮七寶園中爾
時寶莊嚴城中人民出於城外至寶篋園中
見無量稱王及諸四兵從天而墮在彼園中

衆人見已速疾入城告城中人作如是言今有天子并及四兵從天而來在寶篋園中爾時寶莊嚴城中復有一王名曰作愛秉執國事彼作愛王聞有天子并及四兵從天而墮在寶篋園聞已速疾嚴敕四兵駕御善乘與

皇五

十四

諸城人從寶莊嚴城出詣寶篋園王及城人見無量稱王怪未曾有爾時作愛王尋救速辦種種香華末香塗香疾至無量稱王所偏袒右肩右膝著地合掌長跪向無量稱王而作是言汝爲是誰王即答言汝於昔來頗曾聞有無量稱王以不時作愛王及諸臣民皆云我昔曾從先舊人聞本有大王名無量稱王四天下與其四兵昇忉利天無量稱王即答之言如汝所聞無量稱王即我身是爾時無量稱王初從天下聞彼人間飲食精氣心

不愛樂不能堪忍身體沉惛猶如醍醐投熱沙中尋即沉沒不得暫停無量稱王於闍浮提飲食諸味不生愛樂身心沉沒亦復如是爾時作愛王見無量稱王不堪人中香氣飲食身心頓弊不能止住便作是語無量稱王

有何善言我於來世何所傳說大王時無量稱王告作愛王言汝今當知無量稱王從昔已來王四天下威德自在有所須念無不隨意樹林華果及隨意果能除一切衆生苦惱隨諸衆生所須之具皆令如意我復又能降

皇五

十五

天香雨天衣天華雨銀兩金王四天下豪富自在昇忉利天帝釋分座共治天事貪無厭故於天退沒下閻浮提遂便終沒時無量稱王告作愛王言如上衆事汝於未來當如是說無量稱王豪富自在貪求無厭自取命終

淨彼衆生心 故號爲支提

作是語已即便命終佛言大王當知勿作異觀莫生猶豫疑惑之心爾時無量稱王豈異人乎我身是也大王是故當知諸根如幻境界如夢大王如是應當繫心正觀勿信於他爾時世尊即說偈言

常樂法自在 數數策其心 貪欲自在中
智心應遠離 離欲自在已 住法自在中
若能降伏心 則能伏煩惱 若能降煩惱
即得離業道 若離業道已 則爲世間塔
不爲欲穢染 顯示煩惱過 念饒益衆生
故號爲支提 聞貪欲過已 便能離貪欲
一切智淨心 故號爲支提 最勝大丈夫
念滅衆生惡 解脫彼嗔恚 猶豫
最勝大丈夫 念滅衆生癡 故號爲支提
故號爲支提 脫彼愚癡心
調御天人師 念滅衆生慢

大寶積經卷第七十五

音釋

拔 房越切草也 大擎 力展切漸土也
日 柯 小曰搏 輓草也漸土七艷切
墮 鄭鄧切登 款
之 道 日 登 款
怒 切猶豫 多
疑 不決也
也

寶篋 諸叶切
精英也 猶豫
猶也 猶豫
猶猶以
周